



prof. Feridović
elmuza Ferić

Broj: 10/1-34-24442-7/23
Tuzla, 26.3.2024. godine

UNIVERZITET U TUZLI

JAVNA USTANOVA UNIVERZITET U TUZLI
UNIVERSITY OF TUZLA

Primijelo:	01-04-2024
Org. jed.	
01	1802-1

PREDMET: Rješenje o akreditaciji studijskih programa, dostavlja se

Ministarstvu obrazovanja i nauke Tuzlanskog kantona je donijelo Rješenje o akreditaciji studijskih programa broj: 10/1-34-24442-6/23 od 26.3.2024. godine, za studijske programe prvog i drugog ciklusa studija Filozofskog fakulteta Univerziteta u Tuzli. Kako bi Ministarstvo moglo predmetno rješenje dostaviti Agenciji za razvoj visokog obrazovanja i osiguranje kvalitete radi upisa u državni Registar, potrebno je da, u skladu sa Uputstvom o prilogima uz rješenje o akreditaciji visokoškolskih ustanova i studijskih programa, broj: 01-02-2-330-1/23 od 13.7.2023. godine dostavite sljedeće relevantne dokumente i podatke, i to:

- 1) aktuelni izvod iz Sudskog registra za visokoškolsku ustanovu;
- 2) odgovarajući akt o osnivanju visokoškolske ustanove;
- 3) odgovarajući akt o usvajanju studijskog programa, odnosno dozvole za izvođenje studijskog programa.

Ukoliko u navedenim aktima nisu navedeni, potrebno je dostaviti i sljedeće podatke:

- a) trajanje ciklusa studijskog programa,
- b) vrednovanje studijskog programa izraženo u ECTS bodovima;
- c) akademske titule i zvanja koja se stiču po završetku ciklusa studijskog programa, sa navedenim svim izlaznim kvalifikacijama.

S poštovanjem!

PRILOG:

- Rješenje o akreditaciji studijskih programa, broj: 10/1-34-24442-6/23 od 26.3.2024. godine

DOSTAVLJENO:

1 x Naslovu
1 x Evidenciji
1 x Arhivi
AM/AM





prof. Zemunović

Broj: 10/1-34-24442-6/23
Datum: 26.3.2024. godine

Datum: 07-04-2024		
Org. jed.		
01	1802-2	

Na osnovu člana 31. stav (4). Zakona o visokom obrazovanju – prečišćeni tekst („Službene novine Tuzlanskog kantona“, broj: 21/21, 22/21, 5/22, 11/22 i 16/22) i člana 27. stav (1) Pravilnika o postupku akreditacije visokoškolskih ustanova i studijskih programa („Službene novine Tuzlanskog kantona“, broj: 2/22), u postupku rješavanja po zahtjevu JU Univerzitet u Tuzli za klastersku akreditaciju studijskih programa prvog i drugog ciklusa studija Filozofskog fakulteta- Univerziteta u Tuzli, Ministarstvo obrazovanja i nauke Tuzlanskog kantona (u daljem tekstu Ministarstvo) donosi:

RJEŠENJE o akreditaciji studijskih programa

1. Akredituju se studijski programi prvog i drugog ciklusa studija Filozofskog fakulteta Univerziteta u Tuzli, i to:

- Turski jezik i književnost – I ciklus studija
- Njemački jezik i književnost – I ciklus studija
- Njemačka književnost – II ciklus studija
- Metodika nastave njemačkog jezika – II ciklus studija.

2. JU Univerzitet u Tuzli je ovlašten da dodjeljuje akademske titule, zvanja i izdaje diplome koje se stiču izvođenjem studijskih programa iz tačke 1. ovog rješenja na ovoj ustanovi.

3. Rješenje o akreditaciji izdaje se na period od pet godina.

4. Obavezuje se JU Univerzitet u Tuzli da najkasnije šest mjeseci prije isteka roka iz tačke 3. ovog rješenja podnese zahtjev za ponovnu akreditaciju studijskih programa.

5. Ovo rješenje stupa na snagu danom donošenja.

OBRAZLOŽENJE

JU Univerzitet u Tuzli je podnio Ministarstvu zahtjev za klastersku akreditaciju studijskih programa prvog i drugog ciklusa studija Filozofskog fakulteta, aktom broj: 01-4096-1/23 od 19.7.2023. godine, i to za studijske programe: Turski jezik i književnost – I ciklus studija, Njemački jezik i književnost – I ciklus studija, Njemačka književnost – II ciklus studija i Metodika nastave njemačkog jezika – II ciklus studija. Podneseni zahtjev Ministarstvo je zaprimilo pod brojem: 10/1-34-24442/23 od 19.7.2023. godine. Ministarstvo je nakon toga dokumentaciju dostavljenu od strane JU Univerzitet u Tuzli aktom broj: 10/1-34-024442-1/23 od 30.8.2023. godine, dostavilo Agenciji za razvoj visokog obrazovanja i osiguranje kvaliteta BiH (u daljem tekstu: Agencija) sa prijedlogom za imenovanje članova Komisije stručnjaka za klastersku akreditaciju studijskih programa prvog i drugog ciklusa studija Filozofskog fakulteta Univerziteta u Tuzli (u daljem tekstu: Komisija).

Nakon što je Agencija utvrdila da se predloženi članovi Komisije nalaze na Listi stručnjaka iz člana 48. alineja 3.) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09 u daljem tekstu Okvirnog zakona), te da je predloženi broj i sastav Komisije u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik BiH“, broj 100/11 i 26/19), Agencija je u skladu sa članom 49. alineja 4) Okvirnog zakona, imenovala Komisiju Rješenjem broj: 05-33-1-389-2/23 od dana 14.9.2023. god.

Komisija je u skladu sa Planom i programom posjete predmetnoj visokoškolskoj ustanovi, realizirala posjetu 6. i 7.12.2023. godine te nakon toga sačinila Izvještaj o eksternoj evaluaciji.

Dana, 6.1.2024. godine Agenciji je dostavljen Izvještaj Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji klastera studijskih programa prvog i drugog ciklusa studija Filozofskog fakulteta Univerziteta u Tuzli (u daljem tekstu:

Izveštaj). Na osnovu zaključka Komisije za davanje preporuka Agencija je tražila dopunu dostavljenih izvještaja, a koja je dostavljena 12.3.2024. godine.

U skladu sa Odlukom o normama, Komisija je ocjenila ispunjenost svih deset kriterija kao potpuno ili znatno ispunjeni, za studijske programe:

- Turski jezik i književnost – I ciklus studija
- Njemački jezik i književnost – I ciklus studija
- Njemačka književnost – II ciklus studija
- Metodika nastave njemačkog jezika – II ciklus studija.

JU Univerzitet u Tuzli bi trebao po prijemu Rješenja o akreditaciji svakog studijskog programa detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvati imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima, vremenski okvir za realizaciju preporuka kao i potrebne finansijske i ljudske resurse, te definisane mjerljive indikatore za praćenje realizacije Akcionog plana.

Na osnovu Izveštaja i mišljenja Komisije da studijski programi prvog i drugog ciklusa studija Filozofskog fakulteta Univerziteta u Tuzli ispunjavaju propisane uslove za akreditaciju, direktor Agencije za razvoj visokog obrazovanja i osiguranje kvaliteta BiH dao je Preporuku o akreditaciji broj: 05-33-1-389-8/23 od 21.3.2024. godine i istu dostavio Ministarstvu na daljnje postupanje.

Na osnovu naprijed navedenog, Ministarstvo je cijenilo da su ispunjeni svi propisani uslovi za izdavanje akreditacije za predmetne studijske programe podnosiocu zahtjeva, te je donijelo odluku kao u dispozitivu.

Pravna pouka: Rješenje o akreditaciji je upravni akt protiv kojeg nije dopuštena žalba, ali se može pokrenuti upravni spor pred nadležnim sudom.

DOSTAVLJENO:

- 1 x JU Univerzitet u Tuzli
- 1 x Agenciji za razvoj visokog obrazovanja i osiguranje kvaliteta BiH
- 1 x Evidencija
- 1 x a/a

